

? Conesceste le moto de nosc vesco?

1 = evangelist dal ann A | 2 = post te Lūca 24 | 3 = post te Lc 2
 4 = l'encuntun te Èsod 3 | 5 = evangelist con le bo | 6 = l'encuntun te Lūca 19
 7 = munt dla Trasfiguraziun | 8 = munt dai comandamonc
 9 = profet dal vedl testamont | 10 = post te Jan 11
 11 = San Paul â denant ennom ... | 12 = le popul cherí fora da Chelbeldio

1 enformaziuns y termins

Ocio: en jöbia ai 19 d'otober sará le to' de strada co va ia dal magazînn dai Stödafüs en pert slüt jö al trafich dales 08:50 ales 10:30 ca. deache ch'al ven motü da jí l'aziun de educaziun stradala "Hallo Auto" por i scolari.

Oraziun da Taizé: la proscima oraziun de Taizé ven tignida en vendres ai 20 d'otober ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Grup Atmosfera: en jöbia ai 19 d'otober, dales 15:30 ales 17:30, s'encunta endô tla sonta dl Raiun Sozial Val Badia a Picolin le grup de tomp lede Atmosfera por eres y ëi atochés da problems psychics. En cösc iade deponjunse y ciarun da ester creatifs, adöm con Irina Tavella y Barbara Rungger. Enformaziuns plü monüdes pa Sabine Rainer, ☎ 0474 524519. Vignönn/öna é bengnüs.

Döt le bun a:	Ida Elena Pedevilla	15.10.1936
	Hedwig Willeit Miribung, Al Plan	16.10.1942
	Margarita Maria Pedevilla	17.10.1930
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploan: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MhZ

UNITÉ PASTORALA



VAL BADIA
 www.unitepastorala.org

Ann A

15.10.2017 – 28. domegna ia por l'ann
 Gran festa dla consacraziun dla dlijia

n. 47

Envit ala festa

☞ Is 25, 6–10a | Fil 4, 12–14.19–20 | Mt 22, 1–14

Dal Vangelo do San Mateo:

Te chel tomp ¹ti á Gejú cunté ai gragn prei y ai plü vedli dal popul cösta parabola: ²Con le regn dal ci éra desco con n re, co á arjigné ca la noza de so fi. ³Al á mené sū sorvidús a cherdé i ghesc enviés a noza. Mo ai n'orea nia gní. ⁴Danló ál ciamó n iade orcé sorvidús y ti á racomané: Dijedi ai enviés: Mio past é arjigné, i bos y i tiers da maza é tuc ia, döt é arjigné. Gnide a noza! ⁵Mo ei ne s'an fajea nia d'enfora, önn deperpo é jü te so ciamp, l'ater te söa botega, ⁶endô d'atri é jüs porsora sū sorvidús, i á tortoré y i á copé. ⁷Sen s'â le re dessené; al á mené söes trupes, á fat copé i assassins y a söa ciüté ti ál taché fū. ⁸Spo ti ál dit a sū sorvidús: Le past da noza é arjigné, mo i ghesc n'ea nia degns de gní inviá. ⁹Jide porchel fora söles strades y inviede düc, chi ch'i encunteis, ala noza. ¹⁰I sorvidús é jüs fora söles strades y á condüt düc adöm chi ch'ai á encunté, ri y prosc, y le salf da festa s'á emplí de ghesc.

Vesco Ivo, bengnü a La Pli!

I periun:

Signur Gejú Crist,
 famei y patrun de töa Dlijia,
 dái a nosc Vesco töa benedisciun
 ch'al nes animeii cun so entusiasim
 y sii por nos n ejempl lominus de vita cristiana.
 Fá ch'al tegni via te nos la ligreza dal Spirit Sant,
 nes istruesci con sū insegnamonc
 y nes tegni unís tla fede, tla speranza y tal amur.
 Amen.



☞ Letöres dla 29. domegna ia por l'ann:

Is 45, 1.4–6 | Tess 1, 1–5b | Mt 22, 15–21

Edema liturgica dai 15.10. ai 22.10.2017

DOM 15.	GRAN FESTA DLA CONSACRAZIUN DLA DLIJIA – Segra de düc VIJITA PASTORALA DE NOSC VESCO	<i>Tarejia de Gejú (d'Avila), Aurelia</i>
→ 09:00	salüde al vesco dan calogna, prozesciun te dlijia gran messa por döta la ploania	<i>oferta por i debojügnis dla ploania</i>
Lön 16. 07:30	<i>Margareta Maria Alacoque, Hedwig da Andechs</i> s.m. a Al Plan	
Ded 17. 07:30	<i>Ignaze d'Antiochia, Anselmo</i> s.m. por † Carlo Erlacher, Craizer s.m. por †† dla familia Willeit, Damez	
Dem 18. → 10:30 → 19:30	fešta de San Lúca evangelist, Pire da Alcantra s.m. de ringraziamont dla vita por i nasciüs dal ann 1937 zelebrazium dal Parora de Dio	
Jöb 19. 19:30	<i>Jean de Brébeuf y Isaak Jogues, Paul dla Crusc</i> s.m. dal ann por † Maria Brandlechner ved. Morlang, Miscí s.m. por †† Siegfried y Berta Frontull, Janin	
Ven 20. 07:10	<i>Wendelin, Vitalis, Johanna</i> s.m. a Al Plan	
Sab 21. 07:30 18:00	<i>Sabeda de Santa Maria Ursula y compagnes, Clementina</i> s.m. de ringraziamont dla fam. Erich y Ludmilla Erardi, Tlea s.m. por †† Silvia y Pire Zingerle s.m. prefestia a Al Plan	
DOM 22. 08:30 10:00	29. domegna ia por l'ann DOMEGNA DLA DLIJIA UNIVERSALA (dles Misciuns) FESTA DE IOLAN DAI FRÜC Y DLES GRAZIES	<i>Jan Paul II°, Salome</i>
	gran messa sonada de ringraziamont por döta la ploania ♫ La Musiga → <i>oferta por les misciuns</i> adoraziun eucaristica de ringraziamont s.m. a Al Plan	
<i>ampola:</i>	por la familia de Sotrú	
<i>ministronc:</i>	▶ da doman y domegna: Emilie Rigo y Elias Ellecosta ▶ da sera y domegna: Carolin Willeit y Stefan Taibon	
<i>i recordun:</i>	Maria Paolina Brandlechner ved. Morlang Siegfried Frontull	+ 16.10.2016 + 19.10.2010

wir bauen die Kirche

auf Jesus unserem Fundament
Stein auf Stein setzt sich
zu einem Bau zusammen

da sieht man
runde, eckige, ovale, grüne, rote
schwarze, weiße, dreckige, große, kleine
und sie passen zusammen
sie alle machen den Bau erst schön

da sind Steine
die fest mit der Erde verbunden sind
sie tragen die vielen andern Steine

da sind Steine
die ganz oben das Dach bilden
sie schützen den Bau
vor schlechtem Wetter
vor Sturm und Regen

da sind Steine die einfach da
sind mitten in der Mauerwand
scheinbar ohne Aufgabe meint man
aber würden sie fehlen
der Bau wäre nicht fertig
Wind und Wetter würden den Bau
ruinieren

in diesem Bau ist JEDER Stein wichtig
JEDER Stein hat seine Aufgabe
der eine stützt den andern
gibt dem anderen Halt
kein Stein kann aus der Mauer fallen
ein Stein trägt den anderen

da ist ein Stein das bist du
da ist ein Stein das bin ich
da ist ein Bau das sind wir

Frank Reintgen

